

Lohkanbaji álggaheapme

Materiála sáhtta geavahit maiddái omd. sátneipmilbálvalusas dahje válljet friddjat dárbbášuvvon osiid.

Rohkosbottu sáhtta doaimmahit báhppa, searvegotti eará bargi dahje giinu skuvlaservodaga lahttu.

Vilges liinniin gokčojuvvon beavddi ala sáhtta bidjat Biibbala ja ruossa dahje krusifivssa sihke cahkkehit gintala.

Sáhtta geavahit ovdamearkka dihte čuovvovaš sálmmaid: 296–300, 449, 450, 453, 466.

1. Sálbma

Sálmma sajis sáhtta leat eará musihkka.

2. Álggahus

Álgosivdnideapme

Buressivdnádusa lea vejolaš lohkat dahje lávlut (nuohtat, gč. s. 481).

B/O Áhči ja + Bártni ja Bassi Vuoiŋŋa nammii.

S Ámen.

B/O Min veahkki lea Hearrá,

S almmi ja eatnama sivdnideaddji.

DAHJE

B/O Hearrá lehkos dinguin.

S Nu son lehkos maiddái du vuoiŋŋain.

Álggahansánit

Álggahansániid lea maiddái vejolaš ráhkadit ieš.

B/O Ráhkis ustibat. Lohkanjahki álgá odđa vejolašvuodaiguin. Oppa Ipmila sivdnidan máilbmi rahpasa min ovdii miellagiddevažžan ja rikkisin. Ipmil skenke midjiide juohke beaivve áiggi ja eallima. Skuvlavázzimiin ja dutkamiin mii sáhttit oažžut čielgasa das, makkár

eallin lea. Mii oahppat maiddáai das, mo galgá callit rievttuid. Mii guldalit Ipmila sáni ja bivdit buressivdnádusa min bargui. Juo muhtin biibbalsálmmas rohkadalloyuvvo: ”Atte munnje ipmárdusa ja buori dáiddu, dasgo mun oskkun du báhkkoimida” (Sál 119: 66).

3. Biibbalsálbma

Sáhtta atnit maiddáai girkojagi čuovvu dahje eará biibbalsálmmaid.

Biibbalsálmma sajis lea vejolaš lávlut sálmma.

Biibbalsálmma sáhtta lávlut dahje lohkat. Dan álggus ja loahpas sáhtta leat antifona.

Biibbalsálmma sáhtta lávlut dahje lohkat. Dasa laktojuvvo Uhca gudni. Dan sajis sáhtta atnit čuovvovaš sálmmaid vearssaid: 5:4, 66:3, 136:7, 218:7, 336:8, 340:8, 341:10, 348:6, 379:6. Uhca gudni guđđojuvvo eret fástoáigge 5. fástoáiggi sotnabeaivvi rájes.

Go mun oainnán du almmi, du suorpmaid dagu,
mánu ja násttiid maid don leat ráhkadan,
de mii lea dalle olmmoš, go don muittát su,
olbmománna, go don anát sus fuola?

Don dahket su goasii Ipmila láhkásažžan
ja kruvnnidit su hearvásvuodain ja gudniin.

Don diktet su ráđdet giedaidat dagu,
bidjet buot su julggiid vuollái:

Buot sávzzaid ja vuovssáid,
velá meahci spiriidge,
almmi lottiid ja meara guliid,
buot mat johtet meara bálgáid mielde.

Hearrá, Ipmileamet,
man hearváii lea du namma miehtá eatnama.

Sál 8: 4–10

DAHJE

Du beallái, Hearrá, mun bajidan sillon
Hearrá, čájet munnje geainnuidat,
oahpasmahte mu bálgáidasat.
Láide mu duohtavuodastat,

oahpat mu, Ipmil, dasgo don leat mu beasti.
Mun vuorddán du geažos beaivvi.

Sál 25: 1, 4–5

DAHJE

Guldal, álbmogan, mu oahpu,
jorgalehket bealji mu sániide.

Mun rabastan njálmmi ja sártnun sátnevádjasiid,
čielggadan dološ áiggi árvádusaid.

Dan maid mii leat gullan ja maid dovdat,
dan maid máddarat leat mitalan midjiide,
dan mii eat čieгат mánáineamet.

Mañisbohttiide mii mitalit Hearrá hearvás dagu ja su fámu,
daid oavdudaguid maid son lea dahkan.

Sál 78: 1–4

DAHJE

Eanan lea dievva du árbmugasvuoda, Hearrá,
oahpat munnje du mearrádusaid.

Don leat dahkan buori bálvleaddjásat, Hearrá,
sánát mielde.

Atte munnje ipmárdusa ja buori dáiddu,
dasgo mun oskkun du báhkkomiidda.

Sál 119: 64–66

Uhca gudni

Gudni Áhččái ja Bárdnái
ja Bassi Vuignii,

nugo lei álggus, dál lea ja álo
agálašvuodas agálašvuhtii. Ámen.

4. Biiballohkan

Lohkkojuvvo okta dahje moadde čuovvovaš čálabihtáin. Sáhtta atnit maiddá girkojagi čuovvu dahje eará čálabihtáid.

Lohkki almmuha čálasaji.

Sát 1: 1–7

Sát 2: 2–6

Sát 3: 1–8

1 Kor 13: 11–12

Mánnán mun hállen nugo mánná, mus lei máná miella ja máná jurdagat. Muhto go šadden rávisin, de gudden mánálašvuoda. Dál mii oaidnit dego njoadve speadjalis, dego árvádusa, muhto dalle oaidnit oktii čalmmiid. Dál lea áddejupmi váilevaš, muhto dalle dat lea ollislaš, nugo Ipmil dovdá mu ollásit.

2 Tim 3: 14–17

Muhto biso don das maid leat oahppan ja masa leat nannosit oskon. Donhan diedát geas don leat oahppan. Gitta mánnávuodat rájes leat dovdan bassi čállagiid mat sáhttet addit dutnje viisodaga mii doalvu bestojupmái juos oskkut Kristus Jesusii. Ipmil lea bosson Vuoiŋgas oppa čállagii, ja dat lea ávkkálaš oahpaheapmái ja cuoigumii, neavvumii ja vanhurskkisvuoda bagadussii, vai dat olmmoš gii gullá Ipmilii, šattašii ollisin ja dohkálažžan dahkat buot buriid daguid.

Ják 1: 5

Juos ovttasge dis váilloš viisodat, de átnos dan Ipmilis guhte addá buohkaide mielastis ja soaimmakeahtta.

Matt 7: 24–29

Jesus cealká:

”Juohkehaš guhte gullá dáid mu sániid ja dahká daid mielde, lea jierpmálaš olbmá láhkásaš guhte huksii viesus bávtti ala. Arvi šoalai,

jogat dulve ja biekkat bosso ja čuhce viesu njeaiga. Muhto dat ii gahččan, dasgo dat lei huksejuvvon bávtti ala. Muhto juohkehaš guhte gullá dáid mu sániid iige daga daid mielde, lea jierpmehis olbmá láhkásaš guhte huksii viesus sáddo ala. Arvi šoalai, jogat dulve ja biekkat bosso ja čuhce viesu njeaiga. Dalle dat gahčai ja biedganii visot.”

Go Jesus lei heitán sárdnideames, de olbmot hirpmástuvve su oahpaheamis, dasgo son oahpahii sin isitvuodain iige nugo sin čálaoahppavaččat.

Luk 2: 41–52

Juohke jagi Jesusa vanhenguovttos láviiga mannat Jerusalemii beassášbasiide. Go Jesus lei guktenuppelot jagi boaris, de sii manne dohko bajás, nugo lei vierru basiid áiggi. Muhto go bassebeaivvit ledje vássán, ja sii vulge fas ruoktot, de bárdni bázii Jerusalemii, almmá vanhemiiddis diedekeahtá. Soai gáttiiga ahte son lei sin fáru mielde, ja olles beaivi manai ovdalgo jearahišgodiiga fulkkiin ja ustibiin. Go soai eaba gávdnan su, de máhcaiga Jerusalemii ohcat su doppe.

Golmma beaivvi geažes gávnaiga su tempelis. Son lei čohkkámin oahpaheddjiid gaskkas, guldalii sin ja jearahalai sis. Buohkat geat gulle su, imaštalle su jierpmi ja vástádusaid. Vanhenguovttos hirpmástuvaiga sakka go oinniiga su, ja su eadni dajai sutnje: ”Mánážan, mo don sáhttet dahkat dán munnuide? Moai áhčiinat letne ohcan du baluin.” Muhto son vástidii: ”Manne doai ozaide mu? Eahppigo ipmirdan ahte mun ferten leat Áhččán viesus?” Muhto eaba soai árvidan maid son oaivvildii dáinna.

De son manai sudnuin vuolás Nasaretii ja lei jegolaš sudnuide. Su eadni vurkii buot dáid váibmosis. Ja Jesus ovdánii agis ja viissisvuodas ja lei illun Ipmilii ja olbmuide.

Jesus celkkii dalle daid juvddálaččaide geat ledje oskugoahtán sutnje:

”Juos dii bissubehtet mu sánis, de lehpet duodaid mu máhttájeaddjit. Dalle dovddiidehpet duohtavuoda, ja duohtavuoha dahká din friddjan.” Sii dadje sutnje: ”Mii leat Abrahamana nálli eatge leat goassege leamaš geange šlávva. Mo dalle sáhtát cealkit ahte mii šaddat friddjan?” Jesus vástidii: ”Duodaid, duodaid, mun cealkkán didjiide: Juohkehaš guhte dahká suttu, lea suttu šlávva. Šlávva ii biso viesus agibeavái, muhto bárdni bissu das agibeavái. Juos Bárdni oažžu dahkat din friddjan, de šaddabehtet duodaid friddjan.”

5. Vástádus

Vástádussan sáhtá leat sálbma, biibbalsálbma, lávlla, čuojanasmusihkka dahje jaskes mediteren.

Mánnga deavstta logadettiin biibballohkan sáhtá vurohallat vástádusain.

6. Sárdni

7. Sálbma

Sálmma sajis sáhtá leat eará musihkka.

8. Rohkosoassi

Rohkos

Skuvllaid ja eará oahppalágádusaid lohkanjagi álggedettiin

Ráhkis Ipmil, almmálaš Áhččámet. Giitu áhpásmahtti geasseluomus. Giitu das, ahte mii oažžut álggahit odda lohkanjagi. Mii bivdit dus buressivdnádusa skuvllaid ja ruovttuid bajásgeassinbargui.

Atte oahpaheaddjiide viisodaga, návccaid ja gillilvuoda sin barggus. Divtte oahppiid loaktit bures skuvllas ja atte sidjiide oahppanmovtta ja hálu bargat boahhtevuodaset ovdii. Mii rohkadallat oahppiid ja sin

ruovttuid ovddas. Eandalitge mii muitit du ovddas daid mánáid /nuoraid/oahppiid, gudet eai oaččo ruovttus doarjaga skuvlabargoseaset ja sáhttet bázáhallat ja suohppáduvvat. Mii rohkadallat sin ovddas, gudet bidjet alcceseaset menddo alla mihttomeriid ja átestuvvet ražadettiin olahit daid. Mii rohkadallat skuvllas givssiduvvon oahppiid ovddas ja sin ovddas, gudet geahppudit bahás mielaset earáid givssidemiin. Divtte skihpárvuoda, oktasaš barggu ja buori vuoiŋŋa ráddet min skuvllas.

Universiteahtaid ja allaskuvllaid lohkanjagiid álggedettiin.

Ráhkis Ipmil, eallima Sivdnideaddji ja buot viisodaga ja duohtavuoda gáldu. Mii giitit du vuoigatvuodas oažžut bargat ja lohkat universiteahtas/allaskuvllas. Mii giitit vejolašvuodas oahppat odna áššiid ja dutkat du sivdnidan máilmmi. Mii giitit gávdnama ja luovvama ilus. Mii giitit du bargobirrasis, mii movttiidahtta min olahit ain buoret bohtosiid ja gos mii sáhttit ovtas sihke illudit buriin bohtosiinnámet ja moraštit, go bargu ii lihcostuva. Mii giitit du bargo- ja lohkanskih-páriin.

Buressivdnit buohkaid universiteahtaid ja allaskuvllaid bargiid, oahpaheaddjiid ja studeanttaid. Atte oahpaheaddjiide viisodaga ja návccaid dehálaš bajásgeassinbarggus. Bohciidahte studeanttain ráhkisvuoda dihtui ja movtta oahppat lasi ja ohcat odna dieduid. Divtte min barggu lihcostuvvat ja atte dan šaddat Sámi, riikamet, olmmošgotti ja oppa luondduriikkat buorin.

Mii rohkadallat du sin ovddas, geaid lohkan ovdána bures, ja sin ovddas, geaid lohkama hehtejit birgenláhkeválttisvuodat, buohcuvuodat, olmmošgaskavuotaválttisvuodat, losidahtton váibmu dahje heajos eallinvierut. Mii rohkadallat du sin ovddas, geaid iešdovdu lea headju. Mii rohkadallat sin ovddas, gudet váibet dahje šlundot. Nanne servodahkamet lahtuid oktiigullevažvuoda ja solidaritehta. Divtte min dovdat ovddasvástádusa alimus skuvlejumis ja čuvgehusas.

Áhččámet

Herrá rohkos celkojuvvo ovtta jitnii.

S Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maddái eatnama alde.

Atte midjiide odne min beaivválaš láibbi.

Ja atte midjiide min suddid ándagassii,

nugo miige ándagassii addit velggolaččaidasamet.

Alege doalvo min geahččalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Ámen.

9. Giittossálbma

10. Buressivdnádus

B/O Buressivdnidehkos min buotveagalaš ja árbmugas Ipmil,

Áhčči ja (+) Bárdni ja Bassi Vuoigŋa.

S Ámen.

DAHJE

L/O Herrá buressivdnidivččii din ja várjalivččii din.

Herrá čuvgešii muođuidis didjiide

ja livččii didjiide árbmugas.

Herrá jorgalivččii muođuidis din beallái

ja attášii didjiide ráfi.

Áhči ja + Bárdni ja Bassi Vuoigŋa nammi.

S Ámen.

11. Loahpahanmusihkka

Loahpahanmusihkkan sáhtta leat sálbma, lávlla dahje čuojanasmusihkka.